

I. N. J.
DISSERTATIO
DE
VERO SIGNO
CAINI,
IN
SODALITIO PEREGRINATIONIS
INVENIENDO,

CUJUS
PARTEM PRIOREM,
Consent. Ampliss. Ord. Philos. in Reg. Acad. Aboënsi,
PRÆSIDE
LAURENTIO O.
LEFREN,
L. L. O. O. & Græc. Prof. Reg. & Ord.
Publicæ censuræ subjicit
GUSTAVUS DAN. MONTINUS,

Austro - Fennus,
Die XI. Decembris Anni MDCCCLXXIII.
L. H. Q. S.

ABOÆ,
Typis JOHANNIS CHRISTOPHORI FRENCKELL.

SÆ RÆ M:TIS
MAGNÆ FIDEI VIRO,
NOBILISSIMO DOMINO,
D: NO HENRICO
HASSEL,

Regiæ Cancellariæ *Confiliario*,
Regiæ Academiæ Aboënsis *Seniori*
Ac Eloquentiæ *Professori Ordinario*,

MÆCENATI OPTIMO.

SUMME REVERENDO
D: NO MAG. JACOBO
S. S. Theol. Professori Regio,

MÆCENATI

In pignus gratissimî animi ob plurima in se colla-
cum maxime seria veræ, perpetuæque felicitatis

NOBILISSIMI,
LONGEQUE
NOMINUM

Cultor de-
GUSTAVUS DANIEL

**VIRO
SUMME REVERENDO ATQUE MAGNIFICO,
D: NO DOCT. JACOBO
GADOLIN,**

Regiae Academiae Aboensis h. t. *Rektori*,
S. S. Theologiae *Professori Ordinario*,
Ecclesiae Fennicae ad Templ. Cathedr. *Pastori*,
Et Reg. Acad. Scient. Holm. *Membro*,

MÆCENATI OPTIMO.

**ATQUE CELEBERRIMO VIRO,
HAARTMAN,**

Et Ecclesiae Pijkiensis *Pastori*,

OPTIMO

ta beneficia, hunc qualemque ingenii sui fructum,
ad pecatione, pie consecratum optat.

**MAGNIFICI,
CELEBERRIMORUM
VESTRORUM**

votissimus
MONTINUS.

VIRO Plurimum Reverendo atque Clarissimo,
D: no^r SAMUELI MONTINO,
Sacellano in Pijkis Meritissimo,
PARENTI INDULGENTISSIMO.

Quem Tibi, Parens Optime, hic consecro tenerum ingenii factum;
is duplice nomine Tuum esse, quo decet pietatis motu ac sensu
fatetur. Ex Tuo enim filio projectus, Tuis ipsis impensis in lucem
jam prodit. Quo igitur me rutilu intueri & adfatu prosequi soles-
eo se suscipies, enixe pretatur. Quamvis enim je videri non velit ex
numero eorum, qui ex singulis scripturae verbis nescio quae prodegia &
portenta extorquenda judicant, vere tamen pius est, utpote qui eternos
divina sapientia thesauros cernuus odorat, ex iisque perpetua pietatis
nutrimenta latuus haurit. Cum vero adhuc immaturus sit, & etiam ani-
mo Tua ad limina properat, ut quae ad ulteriorem sui educationem de-
siderat adjumenta, Tua ex benivolentia repetere liceat. Interea ipso
gratissimo animo innumera adgnoscere beneficia, quibus me ab ipsis inde-
cunis quam propensissime matare voluisti. Cum vero nihil penes me
esse sentiam, quo Paternum Tuum adfatum demereri queam, die ac
noite DEUM O. M. ardentissimis venerabor suspiriis, velit Divina sua
gratia efficere, ut quod Te dudum premere coepit onus senectutis, id
quandiuissime alacris ac hilaris sustineas, nec prius nostris ex ultiis ac
oculis eripiaris, quam ad ultimum vita humanae terminum progressus,
ad celestia atria haec aliter evales, ac ii solent, quibus vero Christia-
nismo nihil unquam carius, nihil dulcior, nihil suavius fuit. Sic pro-
lixiori animo, quam eloquo optat votetque

INDULGENTISSIMI PARENTIS

Obedientissimus Filius
GUSTAVUS D. MONTINUS,



PRÆFATIO.

Quemadmodum iniquum produnt animum, qui in Scriptura interpretanda omnem versionum autoritatem insuper habent, eamque tam quoque deserunt, cum idoneam sequendi causam adesse constat; ita angusti ingenii suspicionem suo merito incurvare videntur, qui quoties dicti alicujus Biblici novam planeque altiam animadvertisunt translationem, quam vel antiquiorum vel recentiorum in scriptis viderunt, toties hanc aliter, ac visis spectris, exhibentes, & rationi & religioni bellum illatum illico clamantes. Nostro enim iudicio, potius laudandum, quam vituperandum videtur institutum, si quis magno labore & malto sudore id agit, ut locorum difficultum veras & bonas inteniat interpretationes. Hoc certe perfaustissimum habentus, neque rationi adversam esse operam eorum, qui verum indagare, indagatum confirmare & confirmatum inculcure satagent, neque religioni inimicum esse conhilium eorum, qui bono animo & fano iudicio ad verum verbi divini sensum tum cruendum, tum demonstrandum incumbant, etjamsi ea grassetur via, quam pigritia, ut salebrosam, imperitia, ut periculosam, & supersticio, ut exitiosam traducit. Quis vero unquam vitio vertet venatori veritatis, sicubi, eam in trivis non inveniens, omnibus quandoque ducibus nuncium

A

mittat

mittat & sentitas nulli antea nec cogitatas, nec calcatas ingrediatur, ut tandem cum Archimede letum illud evenerit exclamare possit. Non quidem ignoro, quam splendidum prejudicium veritati parere soleat perpetuus interpretum consensus, cum de sensu Scripturaræ queritur, sed hoc simul sentio, nihil ideo verum haberi debere, quod multis hominibus persuasum, sed quod firmis rationibus superstructam inventiatur. Sæpe enim accidit, ut interpres interpretent describat, non cognitis, nedum expensis argumentorum ponderibus, quibus Dux reliquorum inductus fuerit, ut hunc, non aliud interparendi modum sequeretur. Quod si igitur hic aut ignorantia, aut oscitantia erraverit, quid aliud sunt multa nomina eandem versionem tuentium Interpretantur, quam magna caterva eundem errorem errantium viatorum? Quemadmodum hos deserere & veriore inquirere transitum cuique integrum habetur, ita, illis valere jussis, latentem veritatem, qua unquam via inventari possit, investigare nemini interdictum est. Cum vero multæ & variae sint caussæ, cur verum semper videre nequeant interpres, quantocunque demum ingenii vel lumine, vel acumine emineant, tum haud scio, an ulla alia toties seduxerit species veri, quoties nimius splendor frequentiorum significationum certorum vocabulorum rariores eorum notiones occultaverit. Nam ut Phœbus, simulac ortus fuerit, ignes extinguit nubes, ita hæ ab illis opinione sæpius adeo obscurari solent, ut vix oculis armatis videri possint. Si exemplum hujusmodi obscurationis cognoscere desideras, illud suppeditare poterit vox **¶** Gen. Cap. IV. Com. 15. occurrens. Adeo enim oculos & animos interpretum perstrinxit nimius nitor frequentioris ipsius significationis, qua signum valet, ut hoc loco de alia, quæ verior & optior esset, ne cogitare quidem potuerint. Hinc mirum non est, si omnes deinde Commentatores non id egerint, ut latentem vocis notiōnem eruerent, sed veterem errorem, variis explicationibus additis, mitigarent,

rent, ut speciem tandem veritatis mentiri posset. Quod si igitur obscuri quod vocabuli veriorem notionem investigare valuerimus, nemo nobis vitio vertere debet, quod nec ipsa quidem canities erroris silentium nobis imponere patuit. Atque ita, Lector benevolè, quid nobis tentandum suscepimus, vides; qua autem industria hoc præstare valuerimus, id tuo nunc judicio publice estimandum, qua decet modestia deferimus, id unum rogantes, ut, si minus tibi in argu-
mento elaborando felices fuisse videamur, innocuum tamen conatum & ingenum veritatis studium adgnoscas.

§. I.

*Verbis Textus adduciis celebriores versiones sub-
jungit.*

Prius igitur, quam proprius ad institutum progredi possimus, tum Textum loci Hebreum, tum celebriores ipsius versiones describere necessarium putamus. Textus vero sic habet: יְהוָה קָרָא אֶת־בְּנֵי־יִשְׂרָאֵל וַיֹּאמֶר אֲלֵיכֶם תְּמִימָד בְּנֵי־יִשְׂרָאֵל Hunc Textum interpretes Orientales non tam transtulisse, quam descriptisse videntur, cum vocem αὐτῶν, in qua cardo totius questionis vertitur, iisdem fe-
re litteris exprefserint, nulla alia mutatione facta, quam quæ ex indole dialectorum pendet. Illis igitur missis, celebriores tantum Europæas adducemus. Harum a-
gmen ducet Graeca τὸν οὐκαναντίον σημεῖον, quæ sic reddit; καὶ ἔθετο
κύριος ὁ Θεός σημεῖον τῷ κατὰ τὴν μὲν αἰσθητὸν αὐτὸν πάντα
ἐπεργίσκοντα αὐτὸν. Latina vero vulgata: Posuit Dominus in
Iacob signum, ut non interficeret eum omnis, qui invenis-
set eum. LUTHERI: Und der Herr macht ein Zeichen an
Kain, daß ihn niemand erschläge wer ihn finde. Svecana:
Och HERRen satte et tekn på Rain, at hwilken som hälst

honori suame, fulle icke s̄a honour ih̄sū. Fennica: Ja HERRa pani merkin Kainijy, ettei kengāt bāndā tappais, joca hānen löytäis. Danica: Saa satte HEDREN Kain et tegn, at ingen fulde ih̄sūlia ham, som ham fandt. Nova Germanica Illustr. J. D. MICHAELIS: Und er Zeichnete ihn aus, daß ihn alles was ihm antraf nicht tēdete. Plures interpres hic eo minus necesse habemus cumulare, quod eandem transferendi rationem sequuntur ceteri, quotquot adire potuimus. Versiones certe Gallica, Anglicana & Belgica notionem signi sequuntur, ut de ceteris nihil moneam.

§. II.

Præstantiores quoque Commentatores hoc loco nihil nisi signum vidisse, idque variis modis explicuisse, observat.

Quod de celebrioribus Interpretibus jam observavimus, id de præstantioribus quoque Commentatoribus recte observamus. Quotquot enim nobis consulere licuit, si omnes adeo unanimiter notioni *signi*, aut *mira-
culi* inhārent, ut vix unum aut alterum, invenire pos-
tuerimus, qui de ulla alia vocis significatione cogitaverit. (a) Quantum vero difficultatis adferat applicatio utriusque hujus significationis, id vel exinde adparet, quod quamvis in multas & varias se vertant formas, vix ta-
men tolerabilem rei explicationem excludere valeant. Hinc ut quisque maximo tum ingenii lumine, tum ju-
dicii acumine pollet, ita minime se perspicere fatetur, (b) quid tandem reisit, quod hic nomine ην venire cre-
ditur, cæteris adeo diversas adferentibus conjecturas, ut
quot

quot capita, tot fere sensus sint. (c) Alii hoc signum extra, alii intra ipsum Cainum querunt, sed quidquid utique inveniunt, id dubium & incertum est, minimeque ejusmodi, ut regidum & severum sustinere queat examen. Quomodo Judæi in signo Caini determinando versati sint, non opus est, ut multis ostendam, cum quilibet, cui notus sit genius gentis, facile intelligat, nihil fere, nisi portenta & prodigia, in eorum commentatoribus adpariturum. (d) Hinc speciminis loco idutuisse sufficiat commentum Rabbi Salomonis, quem vulgo Jarchi adpellant. Hic enim cum sibi in memoriā revocasset, elementa litterarum in scriptis Hebræorum grammaticis nomine אהיה venire, statim paratam habebat insulfam hanc conjecturam, fronti Caini inscriptam fuisse litteram ex nomine vel Jehovæ, vel fratricidæ defūtam. Alii fuisse putant, litteram נ, cuius nomen signum valet & ex qua incipit vocabulum Hebræum, quod pœnitentiam denotat. Pluribus hujusmodi specimenibus chartam deperdere nolumus. Ad Christianos igitur pergitimus. Qui extra ipsum Cainum hoc signum querunt, ii certum aliquod miraculum Caino factum fuisse sciscunt, sed quale demum fuerit, id penitus ignorant. (e) Nec mirum, cum Moses non dicat, & res ipsa nullum aliud fundamentum habeat, quam quod vox נ in aliis Scripturæ locis notionem miraculi mutetur, id quod re vera nihil aliud est, quam a baculo ad angulum concludere. Succedant, qui intra ipsam Caini substantiam sītum putant signum, de quo quæstio est. Hi, quamvis homicidam a capite ad calcem lustrant, nunc cutis, nunc cordis, nunc singulorum membrorum conditionem explorantes, nihil tamen signi inveniunt, quod huic quidem Textui sine formidine oppositi applicare possunt. Alii, ad formulam זיַפְלוּ פָנָיו com.

com. 5. adtendentes, hoc signum in *torvo vultu & truculento adspectu* Caini se invenisse putant: Alii ad voices יְהוָה יְהוָה com. 12. respicientes, illud in *pavore mentis ac tremore capitis, totiusque corporis* ponunt: Alii, pensato colloquio, quod Cainus cum DEO habuisse narratur, com. 3. 4. 5. in quo animum desperatione plenum prodit, idem signum inveniunt in *paroxysmo melancholico, vel horronda mania*, qua toties vexatum putant Cainum, quotiet nova terroris materia vetera conscientiae vulnera refricaret.

(a) Sunt tamen, quod postea didicimus, apud Eben Esram, qui signum interpretantur canem, quem ei a DEO datum sciscunt, ut vel semper præcurreret ad ostendendam viam, quam tutus ingredi posset: vel vigil dormienti adstaret suoque latratu moneret, ut sibi a feris atque hominibus cavaret. Vide Dissert. sub præsidio Cel. O. Calsii Anno 1713 Upsaliæ de signo Caini editam, pag. 5. §. IV.

(b) Hoc in numero sunt B. Lutherus, Clarius, Sixtinus ab Amama, Junius, Drusius, Piscator, Hier. Prado, Festelius, Vorstius, & O. Celsius, vir, si quis alias harum rerum gnarus. Confer Dissert modo citatam.

(c) Qui dubitat, is evolvere poterit cel. Pfeifferi Dubia Vexata pag. m. 24. L. Capellum in Notis Crit. ad h. l. Jo. Adam. Osiandrum ad h. l. & alios.

(d) Huc pertinet Abba Jose, qui in Zennor. cornu comminiscitur e fronte Caini enatum q. d. cornu ferit ille, caveto!

(e) Interim non defunt, qui conjecturis & incertissimis & insulsissimis indulgere, quam ignorantiam fateri gloriiosius ducunt. Sic R. Juda DEUM putat colloquentem cum Caino in ejus gratiam fecisse solem vel iam conditum retrogrado curlu oriri, vel mox ab occasu in orientali

entali plaga conspicī. Nec probabilius est commentum, quo Rabbini statuunt, ubicunque locorum adfuerit Cainus, aliquod spatiū tremuisse circumstantis terræ.

§. III.

Potiores rationes, cur in nullæ harum conjecturam ponere queamus id, quod vox אָהָת hoc loco significat, paucis attingit.

Harum vero conjecturarum nulla nobis, visa est rationem continere sufficientem, cur in illa adquiesceremus, eoque minus, quod ne omnes quidem simili sunt id involvere possint, quod vox אָהָת hoc loco significat. Verum est, torvo vulnu & truculento aspectu fuisse principem homicidarum; verum est, fuisse pavidum & trepidum; verum est, satia & afflita laborasse conscientia; verum quoque est, hujus tædæ adeo urere potuisse miserum, ut furorem maniaco similem præ se ferret; quo minus autem voce אָהָת has vel affectiones, vel afflictiones a Mose indigitatas fuisse, persuadere nobis possimus, duo potissimum prohibent. Alterum est, quod Sacer Scriptor tum demum mentionem facit ejus rei, quod אָהָת vocat, cum allatas circumstantias seorsim, & quidem non minus distincte, quam diserte determinasset. Ex quo, rem plane aliam hac voce significari, colligimus. Alterum vero, quod nostrum adsensum impedit, in eo positum est, quod ipse finis, propter quem hoc נִנְחָת Caino datum esse scribitur, ejusmodi invenitur, ut nullo pacto per eas, quas singunt, causas obtineri potuisset. Hunc finem haud obscure indicant supra allata verba לְכַל כְּלֹא i.e. ut ne quidquam, quod ei occurveret, vita eum privaret.

privaret. Quis vero hominum adeo, non dicam imperitius, sed stolidus esset, ut adfirmare sustineret, ex pavore mentis securitatem, & ex tremore corporis incolumentem expectari posse. Nec multo pericior aut prudenter, nostro quidem judicio, esset, qui adversus insidias & injurias satis firmum praesidium, aut in torvo vultu, aut in truculento obtutu poneret. Et si vel maxime largiremur, fieri posse, ut quis se adversus insultus hominum his instrumentis tutum & salvum praestaret, si tamen nullam sui reverentiam aut misericordiam movere potuisset tigribus aut leonibus, qui haec signa prorsus non intelligunt. Neque enim hoc prætereundum est, jam tum humano confortio excessisse Cainum, cum in ea erumperet verba, quæ com. 14. וַיָּחֹד כָּל מְאֹד הַרְגֵּבִי eveniet, ut quidquid me invenerit, id me dilaceret. Id enim diserte docent verba com. הַז גַּרְשָׁת אֶת הַיּוֹם מִפְנֵי הַאֲדָמָה Ecce ejecisti me hodie de facie terræ. Quemadmodum nemo dixerit, Cainum his verbis dicere voluisse, se extra terminos mundi expulsum esse, ita vox hoc loco nihil aliud innuere potest, quam illam solam terræ partem, quæ ab hominibus jam habitata & exculta erat. Cumque se adeo in horrida deserta, & horrendas silvas exterminatum animadverteret, ubi pro balatu ovium & mugitu boum, nihil nisi ululatus & rugitus ferarum aures ipsius implebat, necesse erat, ut has solas exhorresceret vicinus, eoque magis, quod humano se auxilio destitutum esse sentiret, in quo solo verissimum & firmissimum vitæ praesidium adversus omnis generis hostes situm esse, non ignorabat, quandoquidem ipse Abelem non, nisi in agrum evocatum, adgredi sustinuerat. Perpetuo igitur miraculo opus fuisse, si Cainus aut securitatem aut incolumentem ope horum gestuum adquirere potuisset, etiamsi ad pavorem & tre morem

morem flebilissimum ploratum & vehementissimum
julatum adjecisse fingeretur. DEUS vero quamvis mi-
racula patrare possit, ubicunque & quandocunque velit;
ea tamen patrare non solet, ubi aliae suppetunt. viæ,
quibus ad finem grassari detur.

§. IV.

*Novam, eamque aptiorem & veriorem, vocis vexa-
tæ significationem proponit.*

Quoniam igitur homines jam erant, qui misero
præsidium præstare poterant, nihil profecto neque a-
ptius, neque verius de notione vocis $\Sigma\pi\eta$ hoc loco co-
gitari potest, quam si eam significare statuerimus cer-
tum cætum hominum, Caino forte agnotorum, quibus DEUS sin-
gulari providentia regimine hoc animi indidit, ut huma-
num consortium fugientem, in avia deserta aberrantem &
continuum vitæ periculum a feris bestiis metuentem investi-
garent, investigatumque desiderato munirent præsidio. Potest
quidquam melius aut divinæ, aut humænæ convenire
naturæ? DEUM enim quemadmodum humanæ miseriae
semper miserescit, ita ei nihil usitatius, quam, cum au-
xilium ferre decrevit, ad hoc proxima & aptissima ad-
hibere instrumenta; hominis vero vel ideo proprium
est misericordia succurrere, quod ut quisque & celerrime &
tenerime aliena tangatur miseria, ita humanissimus ad-
pellari soleat. Quoniam vero incommoda & pericula
hos stimulos hebetare, hos igniculos suffocare possunt,
imprimis cum seculo barbaro vivitur; opus est, ut Di-
vino impulsu excitentur animi inflammanturque, si ad
succurrendum alienæ indigentia satis & prompti & parati
erunt. Atque eatenus aliquid miraculosi inest actioni,

quam Moses DEO his verbis attribuit, quod tamen potius in verbo קָרְבָּן quam in nomine קָרְבָּן quæri debere videtur. Prius igitur quam ad sententiam nostram confirmandam proprius accedamus, ipsam novam loci versionem, quæ nobis & aptissima & verissima videtur, proponere placet. Sic igitur ea habet: *Deditque Jehova Caino societatem peregrinationis, ut nihil eorum, que in eum incidrent, eum trucidaret;* Svetice: Och Jehowa gaf Cain et rese fällstap, så at intet, af alt hwad honom träffade, skulle riswa honom ihål. Hanc versionem, ubi non tantum cum antecedentibus & consequentibus, sed etiam, quod forte difficultius videri possit, cum ipsa radice & vera indole vocis, de qua controvertitur consentire probaverimus; non dubitamus, quin optime de hoc loco meruisse judicernur ab omnibus, qui solidas & exactas locorum dubiorum translationes optant, amantque. Huic igitur negotio nos nunc quo decet studio accingimus.

§. V.

*Novæ nostræ Versionis possibilitatem paucis in tu-
to collocare conatur.*

Ut certis passibus ad ipsum perveniamus scopum, ordine progrediendum est. Prius igitur quam novæ nostræ Versionis probabilitatem proprius adstruere queamus, necesse est, ut possilitatem ejus adstruamus, eoque magis, quod non defuerunt, quibus visum fuit dubium, an in illa ipsa mundi infantia, in quam exilium Caini incidit, tantus existenter numerus hominum, ut idoneus delectus ad præsidium misero præstandum ex eo defuni potuerit. Duplicem vero rationem dubitandi adferre

adserre solent, qui nostræ sententiæ adversam tueruntur.
 Alteram exinde petunt, quod, teste Mose, totum genitum
 humanum numero absolveretur ternario, ex quo Cainus
 fratrem suum Abelem interficeret; alteram ex-
 inde, quod ex historia Mosaica constare videtur, adeo
 partim tardas fuisse nuptias, partim infœcunda conjugia
 primorum hominum, ut vix credibile sit, isto quidem
 ævo vel mediocrem exitisse multitudinem hominum,
 qui Cainum præsidii indigum munire possent. Quod i-
 gitur ad priorem dubitandi rationem adtinet, ea hac
 precaria nititur hypothesi, ante annum mundi centesim-
 um trigesimum non plures natos homines fuisse,
 quam quorum natales Moses exposuit. Quo minus ve-
 ro silentium Mosaicum idoneant dubitandi caussam ex-
 hibere possit, multa eaque firma prohibent argumenta.
 Primum quidem Mosi propositum non fuit totius gene-
 ris humani, sed gentis tantum Israëliticæ historiam conde-
 re. Huic scopo inserviens, omisisse fere reliquis, eos tan-
 tum filios Patriarcharum diligenter commemorat, ex
 quibus Conditor gentis Abrahamus recta linea descendit.
 Et si quos præterea hic illic adtingat, ejus rei singularis
 reddi potest ratio, quæ sèpius in nexu harum perso-
 narum, earumque rerum gestarum cum gente Israëlitica,
 interdum etiam in ipsarum rerum gestarum vel inusita-
 tis circumstantiis vel consequentiis inexpectatis. Hinc
 nihil impedit, quominus, inter Cainum atque Sethum
 Adamo multos liberos, quorum nullam Moses mentionem
 injecit, progenitos fuisse, credamus. Quid? quod hoc ex-
 tra controversiam positum videatur. Secus enim incas-
 sum caderet ipsa benedictio divina: *crescite & multipli-
 camini.* Neque tam tardas fuisse nuptias primorum ho-
 minum credimus, quam statuere necesse habent, qui o-
 mnes patres in Genealogia Abrahæ recensitos primo-
 genitos fuisse contendunt. Nam cum neque Sethus, ne-
 que

que Semus, neque ipse Abrahamus primogenitus fuerit, quid obstat, quo minus omnes illos patres, quorum nomina in Genealogia Israëlitica occurrunt, magnum liberorum numerum prius generasse credamus, quam illum quisque filium generaret, qui ad laudatam modo genealogiani pertinet. Hoc si admiserimus, quemadmodum rectissime admittendum judicamus, pura puta principii potitio est, cum primorum hominum aut tardæ nuptiæ aut infœcunda conjugia ponuntur. Atque hoc eo firmius teneimus, quod Moses, Cainum atque Abelem res suas seorsim habuisse & diversum vitæ genus coluisse, docet. Quemadmodum igitur Cainus uxorem habuit, ita Abel habere potuit. Quid? Quod utriusque numerosa admidum familia fuerit, vel esse saltem potuerit. Certe Caino, cum primus ipsi filius, cuius Moses mentionem facit, nasceretur, tantus aderat numerus hominum, quantum ad oppidum condendum & munimentum exstruendum sufficeret.

